

ХАРУУЛЫН ДҮРЭМТ ХУВЦАС

1. Харуулын дүрэмт хувцас нь өдөр тутмын эрээн хувцас /офицер, ахлагч нар хээрийн хувцас/ эрээн китель өмд, ажлын гутал, малгай, бүс, хүхээгний цүнх /сум үл нэвтрэх хантааз, дуулга, дашмаг, агсамж /болон тусгай хэрэгслээс бүрдэнэ.

Ангийн Байлдааны тугийн харуулын цэгт ёслолын хувцастай байна. Харуулын тусгай хувцсанд дах, эсгий гутал, дэгтий, нэхий бээлий, зуны цагт майхан цув, усны гутал орно. Дахнаас бусад тусгай хувцас нь харуулын цэг бүрт хоёр байхаас нэг нь харуулын байранд байна.

Онцгой тохиолдолд ЗХЖШ /ХХЕГ, ОБЕГ/-ын дарга, Дотоодын цэргийн командлагчийн тушаалаар харуул нь ган дуулга, хамгаалалтын хантаазтай үүрэг гүйцэтгэнэ.

2. Харуул, жагсах газарт ирэхдээ өдөр тутмын эрээн хувцас /офицер, ахлагч нар хээрийн эрээн хувцас/, сум үл нэвтрэх хантааз, дуулга, дашмаг, агсамжтай байна.

3. Зуны улиралд хүйтэн салхи, бороотой үед харуулын ээлжийг хөвөнтэй хүрэм /цув/ өмсүүлж, харуулын цэг рүү явуулна.

4. Гэрээт харуулын дүрэмт хувцсыг цаг агаарын байдалд зохицуулан өмсөнө.

5. Дахыг харуулын цэг дээр үүрэг гүйцэтгэхдээ өмсч, халалцах үед тайлна. Эсгий гутлыг харуулын байранд өмсөнө. Дах, эсгий гутлыг хасах 15°C-ээс доош хүйтэн үед өмсөхийг зөвшөөрнө.

Дахыг хөвөнтэй хүрэм дээр өмсөж болно. Тайлсан дах, цувыг харуулын цэгийн шовгор буюу хянах цамхаг дотор өлгөнө. Харуулын цэгээс бууж ирсний дараа цув, эсгий гутлыг тайлж хатаана.

Ган дуулга, хамгаалалтын хантаазыг харуулын цэг рүү явахын өмнө харуулын байранд өмсөх ба харуулын цэгээс бууж ирсний дараа тайлна.